



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

MDCCCIV. Lehnbrief des Kurfürsten Friedrich für die von Kökeritz über das  
Schloß Seße mit Zubehör in der Niederlausitz, vom 22. Dez. 1460.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

MDCCCIV. Lehnbrief des Kurfürsten Friedrich für die von Köberitz über das Schloß Seese mit Zubehör in der Niederlausitz, vom 22. Dez. 1460.

Wir Friedrich, von gots gnadenn Marggrave zcu brandenburg, kurfürste, des heiligen Romischen Reichs Erzkamerer vnd Burggrave Zcu nuremberg, Bekennen offentlich mith diessem briue, vor vns, vnser erben vnd nachkomeyn vnd Suft allermeniglich, die dissen brieff sehen, horen oder lesen, Das wir Heinrichen, Hansen vnd poppen gebrothern von kokeritz, zcu Seese vnd Schönfeldt gefessen, vnd allen iren lehenserbenn Zcu einem rechtenn gesampnen bruderlichen lehen gnediglich gelihen haben Ir veterlich erb vnd lehen Mit namen: das Slos Zcu Seese vnd den hofe zcu Schönfeldt mit den dorffern dauor gelegen, mit vorhoffen, vorbercken, Acker, wesen, teychenn, mohlen, geholtzen, Fischereyen, Heyden, Weydenn, Struchen, pulchen, fytrissen, freyen Schefereyen, wassern, wasserflossen vnd mith den wyngarten Zcu Seese vnd Schonfeldt gelegen mit lehen geystlich vnd werntlich vnd mith einer ewigen freyheit in dem walde Zcu Lubenau, Zcu dem Slos zcu Seese allerley holtz zcu hawen, zcu bauen vnd zcu boren, nyder Zcu legen adir von stunde weg Zu furen, wie In das am bequemsten sein wirt, vnd mit allen dissen nachgeschriben dorffern vnd guttern, nemlich das dorff kleynen kloßow, lugk, Lupthenn, Sando, Buckow, Strado, vnd was sie habenn In dem dorff Rads, zcu kolgkwitz, zcu Salsleben vnd das meyste theil zcu dubraw vnd die heyde Moll, gelegenn bey kalo, vnd das obirfte gericht In der Stadt zcu Calo, In pfandsweys vor Viertzigk schog guter Bemischer groschen, wir leyhen vnd besetzen In solch obgenant Slos, Hoff, dorffer, guetter etc. Zcu einem rechten gesampnen bruderlichen lehen vnbeschwert mit dinsten vnd bote In massen Ir alde brieffe vber Ir gutter innhaldenn Als ein oberster voyt vnd verweiser des landes zcu Lutzitz etc. — Zcu Coln an der Sprew, am Montage nach Sand thomas tage, Nach cristi geborth Viertzeinhundert vnd darnach Im Sechtzigstenn Jare.

Vollständig in Neumann's Geschichte der Niederlausitzischen Landvögte Thl. I, S. 182.

MDCCCIV. Kurfürst Friedrich erklärt sich bereit, der Appellation des Erzbischofs von Mainz wegen der von der päpstlichen Curie zu viel geforderten Primaten zu adhariren, am 28. Febr. 1461.

Wir fridrich, vonn gots gnadenn Marggraue zu Brandburg, des hiligen Romischen Reichs ertzkamerer, Burggraue zu Nuremberg vnd kurfurst, Bekennen vnd thun kunt offentlich mit disem brieff, nach dem vnd der Erwirdig jnn got vater her Dither, Erwelter vnd bestetigter zu Mentz, vnnser lieber besunder frund, durch vnnsern hiligen vater itzt den Bapft von der betzalung wegen der primaten, wider dy Decrett des hiligen Concyly zu Basel vnd vber dy alten taxa vff sein kirchen zu Mencz geflagen, vast Hoher vnd ferrer furgenomen, deshalben beswert vnd damit gedrunge ist ein aufhalt zuthun